

Sakspapir

Saksnr	Utvalg	Type	Dato
016/21	Valstyret	PS	13.09.2021

Saksbehandler	Arkiv	ArkivsakID
Ketil Tjore	FE-033	21/881

Orienteringssak

Framlegg til vedtak:

Valstyret - 016/21

VS - behandling:

Handsaming av røyster til stortingsvalet:

Førehandsrøyster frå andre kommunar vart talde først. Desse er i konvoluttar, og er sendt til kommunen frå andre kommunar.

(Dette er ikkje dei førehandsrøystene kommunen fekk tilsendt på valdagen 13. september, desse er rekna i kategorien "seint innkomne førehandsrøyster", og skal teljast først 14/9 klokka 17:00).

Det var 46 omslagskonvoluttar å telja, kvar med valkort og brun konvolutt for røystesetel. I ein av konvoluttane var det to røystesetlar, der berre den som var bretta rundt var stempla. Valstyret vurderte denne, og det var semje om at røystesetelen utan stempel, som låg inni den andre, vart forkasta.

Mellom dei andre konvoluttane var det i alt tre røystesetlar som ikkje var stempla, men der dei låg aleine i den brune konvolutten. Desse vart kjende som gyldige og etterstempla, jamført korleis dette er forklart på valgmedarbeiderportalen.valg.no: *Når stemmesedler er avgitt i en stemmeseddelkonvolutt, anses selve stemmeseddelkonvolutten som et stempel. Disse stemmesedlene skal derfor etterstemples med en gang de tas ut av stemmeseddelkonvolutten.* Valstyret godkjende altså desse tre, og dei vart etterstempla. Det var sjekka undervegs i opninga av konvoluttane at det var stempel på dei andre røystene.

Dei 46 røystesetlane vart så lagt til side, og urne med ordinære førehandsrøyster vart opna og tømt. Desse vart delte opp i bunkar og talde to gonger. Talet var samsvarande, 803 røystesetlar i urna med førehandsrøyster.

Det vart tatt ut 200 av desse med tanke på stikkprøvekontroll. Dei resterande 603 vart saman med dei 46 førehandsrøystene frå andre kommunar delte i bunkar på parti, og talde to gonger. Det var samsvar mellom dei to teljingane, og dette vart ført på eiga liste. Så vart dei siste 200 røystesetlane delte i bunkar på parti, og talde to gonger. Det var samsvar mellom dei to teljingane, og dette vart ført på eiga liste.

Desse i alt 849 røystesetlane vart kjørt gjennom Eva Skann. Her kom det fram at det var ein av røystesetlane som kom frå urna med førehandsrøyster, som ikkje var stempla. Denne vart lagt fram for valstyret, som forkasta denne.

Med denne forkasta var det ein differanse på 1 i tal stemmer og kryss i manntalet for førehandsrøystinga. Valstyret godtok denne differansen.

Valstyret tok pause frå 20.30 til 21.15. Etter dette kom røystene inn frå dei to røystekrinsane, Kaland og Austrheim. Desse var talde og fordelte på parti ute i røystelokala, og ved skanning var det samsvar mellom rapporterte tal og skanning. Valstyret godkjende teljinga.

Det vart vurdert tre røyster frå Austrheim krins. Dette var ein ustempla røystesetel, denne vart forkast av valstyret. Og det var to røyster leverte i særskilt omslag med valkort. Begge desse var røyster avlagt på valtinget, men av personar som er manntalsførte i Bergen kommune. Valstyret forkasta begge disse.

Det vart vurdert fire røyster frå Kaland krins, alle fire leverte i særskilt omslag med valkort. Ein av desse var frå person manntalsført i Stavanger kommune. Denne vart forkasta. Dei tre andre var frå personar utan statsborgarskap, og som ikkje har røysterett ved stortingsval. Desse vart forkasta.

Valstyret var ferdige klokka 23.30.

Vedtak i valstyret:

Valstyret godkjenner oppteljing av ordinære førehandsrøyster, førehandsrøyster og valtingsrøyster, med dei merknader som er noterte i protokollen. Det vert i tillegg ført eiga møtebok for stortingsvalet (etter mal frå Valdirektoratet), denne vert ført først etter siste telling 14/9.

VS - vedtak:

Valstyret godkjenner opptelling av ordinære førehandsrøyster, førehandsrøyster og valtingsrøyster, med dei merknader som er noterte i protokollen. Det vert i tillegg ført eiga møtebok for stortingsvalet (etter mal frå Valdirektoratet), denne vert ført først etter siste telling 14/9.

Saksopplysninger: